0.0.1 pañcama kammasuttam

- 1. cattārimāni bhikkhave kammāni mayā sayam abhiññā sacchikatvā paveditāni. katamāni cattāri?
- 2. atthi bhikkhave kammam kanham kanhavipākam. atthi bhikkhave kammam sukkam sukkavipākam. atthi bhikkhave kammam kanhasukkam kanhasukkavipākam. atthi bhikkhave kammam akanham asukkam akanhaasukkavipākam kammakkhayāya samvattati.
- 3. katamañca bhikkhave kammam kanham kanhavipākam? idha bhikkhave ekaccena mātā jīvitā voropitā hoti, pitā jīvitā voropito hoti, araham jīvitā voropito hoti, tathāgatassa duṭṭhena cittena lohitam uppāditā hoti. sanghopi bhinno hoti. idam vuccati bhikkhave kammam kanham kanhavipākam.
- 4. katamañca bhikkhave kammam sukkam sukkavipākam? idha bhikkhave ekacco pāṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisuṇāvācā paṭivirato hoti, pharusāvācā paṭivirato hoti, samphappalāpā paṭivirato hoti, anabhijjhālu hoti, abyāpannacitto hoti, sammādiṭṭhiko hoti. idaṃ vuccati bhikkhave kammaṃ sukkaṃ sukkavipākaṃ.
- 5. katamañca bhikkhave kammam kanhasukkam kanhasukkavipākam? idha bhikkhave ekacco sabyāpajihampi abyāpajihampi kāyasankhāram abhisankhāroti,

sabyāpajjhampi abyāpajjhampi vacīsankhāram abhisankhāroti, sabyāpajjhampi abyāpajjhampi manosankhāram abhisankhāroti. so sabyāpajjhampi abyāpajjhampi kāyasankhāram abhisankhāritvā sabyāpajjhampi abyāpajjhampi vacīsankhāram abhisankhāritvā sabyāpajjhampi abyāpajjhampi manosankhāram abhisankhāritvā sabyāpajjhampi abyāpajjhampi lokam upapajjati. tamenam sabyāpajjhampi abyāpajjhampi lokam upapannam samānam sabyāpajjhāpi abyāpajjhāpi phassā phusanti. so sabyāpajjhehipi abyāpajjhehipi phassehi phuṭṭho samāno sabyāpajjhampi abyāpajjhampi vedanam vediyati vokiṇṇasukhadukkham. seyyathāpi manussā ekacce ca devā ekacce ca vinipātikā. idam vuccati bhikkhave kammam kaṇhasukkam kaṇhasukkavipākam.

- 6. katamañca bhikkhave kammaṃ akaṇhaṃ asukkaṃ akaṇhaasukkavipākaṃ kammakhayāya saṃvattati? tatra bhikkhave yamidaṃ kammaṃ kaṇhaṃ kaṇhavipākaṃ tassa pahāṇāya yā cetanā, yampidaṃ kammaṃ sukkaṃ sukkavipākaṃ tassa pahāṇāya yā cetanā, yampidaṃ kammaṃ kaṇhasukkaṃ kaṇhasukkavipākaṃ tassa pahāṇāya yā cetanā, idaṃ vuccati bhikkhave kammaṃ akaṇhaṃ asukkaṃ akaṇhāsukkavipākaṃ kammakkhayāya samvattati.
- 7. imāni kho bhikkhave cattāri kammāni mayā sayam abhiññā sacchikatvā paveditānīti.